

## Der xlix. Artickel.

Von verwarung des Ertzs/ vnd das nicht  
grosse Heuser / auff die Zechen  
gebawet werden.

**D**er Bergmeister vnd Geschworne / sollen / beneben den  
Schichtmeistern verfügen / vnd darob sein / das  
alle fündige Zechen / wo es möglich / verschlossen /  
ein guter vehster schrot vnd verschlossener trogt /  
darein gesetzt / vnd das gute Ertz darinnen verwaret /  
auch in verschlossener thür gepucht / vnd geschieden /  
vnd volgend in das fesslen oder Kübeln / verschlossen / für die Dütten  
geschickt werde / Es sol auch sonst auff kein Zeche / eynlich gross  
haus / anders dann zu blosser notturfft / gebawet werden.

## Der l. Artickel.

Vom anschnidt vnd lohnen.

**D**ie Schichtmeister vnd Steyger / sollen auff den son-  
tagt / bey dem anschneyden alle zeit gegenwertig sein /  
Bergt / vnd Düttenkost / vnd was sonst / die woche  
auff die Zeche gangen / stückweis / auch die namen  
vnd zunamen / aller Arbeiter / vnd was ein ieder gear-  
beit / vnd war für der lohn gegeben / eygentlich anzei-  
chen / solches den Geschwornen verlesen / vnd sie es vber legen las-  
sen / derselben Summa vorzeichnus / niederlegen / welch durch den  
dazu verordenten / mit vleis auffgehoben / verschlossen / vnd zu der  
Rechnung widerumb sollen fürgelegt werden / Vnd so die Ge-  
schworne im Anschnit / vngeschickligkeit vormerckten / das sollen  
sie dem Bergtmeister zu straffen anzeigen.

Auch sol kein Steiger weder Vnslet / Eysen / noch anders  
schreiben lassen / er hab es dann zuorn von dem Schichtmeister /  
auff die Zechen empfangen / bey straff entsetzung seines dinsts.

D ij

Es sollen